

## Das Siebende Capittel.

371.

vnd dieselben/so zum Kirchendienst geordnet werden solten/ zuvor in Gebeten vnd sacris Canonibus zu vnterweisen/ lib. 1. Nouell. tit. 13. de epist. ff. Nemo Clericus fiat. So gedencket Epiphanius hæresi 71. das die Diaconen in Conclitien/ Synodis, Conuenten vnd Colloquiis/ haben Notarien stedte verwalten müssen. Auch ist ihr Ampt gewesen/ die Litanien vorzusingen. Lengst hernach ist ihnen auch auffgelegt/ den Bischouen zu Altar vnd bey der Tauffe zu dienen/ den Altar zuzurichten/ zu bekleiden/ vnd zu decken/ vnd in den Processionen das Creutz zu tragen/ vnd was solches vnnötigen dinges mehr gewesen.

So sind die Diaconi auch nicht einerley gewesen:

Archidiaconus oder Protodiaconus, ist der oberste vnd fürnehmste vnter den andern/ vnd dem Bischoue am nechsten gewesen/ daher man in dem auch oculū Episcopi genandt/ hat den Bischoff vnd die Priester erinnern müssen/ das von gebreuchen vnd Ceremoniis der Kirchen nicht etwas siele/ vñ vnterlassen würde: Hat auch macht gehabt/ den geistlichen Personen/ so nicht gerne wolten/ wider iren willen die Jar abzunehmen/ herten wol nötigers zu verrichten gehabt. Der H. Augustinus nennet Ruffinum seinen Condiaconum, epist. 59.

Subdiaconi oder Hypodiaconi, Vnterdiener/ sollen denen in Ampt gleich sein/ die man bey den Jüden Nethinim oder Nathineos hies. Ihr Ampt war/ die gar neue Christen zu vnterrichten/ vnd mit ihnen den Catechismum zu vben/ wie Cypria. 1. 3. ca. 22. meldet. Item/ die Opffer vnd Gaben der Kirchen einzunehmen vnd aufzuheben/ die Lection oder Epistel bey der Mess zu lesen/ was von Gefäßen vnd andern mehr not/ zum Altar zu bringen/ zu Altar zu dienen/ den Bischouen/ Priestern/ Diaconen/ die Wascher vber die Hände zu gießen/ das Handtuch darreichen/ die Tüchlein/ darein das Weß gerech gelegt vnd gewickelt/ zu waschen/ den Priesterlichen ornat vnd Habit/ denen so degradirt vnd ires Amptes entsetzt wurden/ abzunehmen/ trugen lange weisse Kleider/ darüber gegürtet. Es schreiben etliche/ das Pappst Adrian geordnet habe/ das ein Keyser ehe er gekrönet wurde/ zuvor muste Subdiacon werden/ aber es ist nicht/ sondern wenn ein Keyser vom Pappst solte gekrönet werden/ so ward er erstlich von den Thumbherrn S. Peters Münsters zum Canonico auffgenommen/ vnd muste darauff dem Pappst zu Altar oder zur Messe an stadt des Diaconi dienen.

Decanus, hies bey den Römern einer/ der vber 10. zum Auffseher geordnet war/ ein Rottmeister/ war darnach bey den Geistlichen in hohen Stiefften der Thumbdechant/ der nechste grad nach dem Bischoue/ dem er auch mit rhat vnd that in allen des Stiefftes sachen treulich beyzuwohnen verpflichtet: Wird etwan caput Collegij genandt/ hat im Capittel die erste stimme/ vnd allen vorzug im sitzen/ schreiben/ nennen/ Rodericus Zamorensis in spec. huma. vitæ lib. 2. ca. 13. Doch ist in einem Lande vnd Stieffte andere gewonheit denn im andern.

Decanus Ruralis, also wird oft der Official genandt.

Domestici Sacerdotes, Hoffprediger.

Exorcistæ Buroatores, Aduratores, waren in der ersten Kirchen/ die die gabe hatten Teuffel auszutreiben. Ihr Ampt ist auch gewesen/ eine Sprache in die andere zu verdolmetschen/ in Lectionen oder Gesprechen/ Epipha. in compendia. fidei forma. Item/ die Hände auff die (Energumenos) besessene vnd Wonsüchtige zu legen/ vnd dieselbigen/ wenn sie bey der Kirche bewaret gelassen wurden/ reglich zu bedecken/ vnd mit irer vnterhaltung/ Speiße vnd andern von Almosen oder sonst zu versehen.

Epistoler/ waren die Subdiaconi.

Euangelistæ/ die Diaconi bisweilen genandt/ oder Lectores.

Laboratores, dauon besihe droben in Diaconis.

Lector,